

草木典第二百九十一卷

牡丹部藝文四

詞

生查子

唐孫光憲

清曉牡丹芳紅艷凝金蕊
占錦江春永認笙歌地
感人心爲物瑞爛熳烟花裏
戴上玉釵時迴
與凡花異

如夢令

宋吳潛

一餉園林綠就柳色鶯聲遠
透輕暖與輕寒又是牡丹時候
時候時候歲歲年年人瘦

昭君怨

牡丹

劉克莊

曾看洛陽舊譜只許姚黃獨步
莫比廣陵花太虧他
舊日豪家園圃今日荆榛滿路
君莫說中州
怕花愁

點絳脣

王十朋

庭院深深異香一片來天上
傲春遲放百卉皆推讓
憶昔西都姚魏聲名旺
堪惆悵醉翁何往誰

與花標榜

點絳脣

牡丹

李銓

十二紅欄帝城穀雨初晴後粉拖香逗易惹春衫袖
把酒題詩遐想歡如舊花知否故人消瘦長

憶同攜手

浣溪沙

寒食初晴
見牡丹

毛滂

魏紫姚黃欲占春不教桃杏見清明殘紅吹盡恰纔晴
芳草池塘新漲綠官橋楊柳半拖青秋千

院落管絃聲

減字木蘭花

宴賞賜
牡丹作

曾觀

一聲杜宇滿地落紅愁不語國色春嬌不逐風前柳絮飄
珠簾休捲愛惜龍香藏粉艷勝友俱來

同醉君恩倒玉杯

清平樂

牡丹

張炎

百花開後一朵疑堆繡絕色年年常似舊因甚不隨春瘦
脂痕淡約蜂黃可憐獨倚新粧太白醉

遊何處定應忘了沈香

朝中措

曾觀

華堂欄檻占韶光端不負年芳
依依東風向晚數行濃淡仙粧
停杯醉折多情多恨絕艷真香只
恐去爲雲雨夢魂時惱襄王

柳梢青

范先之席上賦牡丹

辛棄疾

姚魏名流年年攪斷雨恨風愁
解釋春光剩須破費酒令詩籌
玉肌紅粉溫柔更染盡天香未休
今夜簪花他年第一玉殿哀頭

鷓鴣天

祝良顯家牡丹

前人

占斷雕欄只一株春風費盡幾工夫
天香夜染衣猶濕國色朝酣醉未蘇
嬌欲語巧相扶不妨老
幹自扶疎恰如翠幕高堂上來看紅衫百子圖
濃紫深黃一畫圖中閒更有玉盤盂
先裁翡翠裝成蓋更點胭脂染透酥
香灑灑錦模糊主人長得醉工夫
莫攜弄玉欄邊去羞得花枝一朵無

翠蓋牙籤幾百株楊家姊妹夜遊初五花結隊香如霧一朶傾城醉未蘇
閒小立困相扶夜來風雨有情無愁紅慘綠今宵看却似吳宮教陣圖

鷓鴣天

賀鑄

雪弄輕陰穀雨乾半垂雲幕護殘寒化工著意呈新巧剪刻朝霞釘露盤
輝錦繡掩芝蘭開元天寶盛長安沈香亭子鉤欄畔偏得三郎帶笑看

鷓鴣天

李廷忠

洛浦風光爛熳時千金開宴醉爲期花方著雨猶含笑蝶不禁寒總是癡
檀暈吐玉華滋不隨桃李競春菲東君自有回天力看把花枝帶月歸

玉樓春

范成大

雲橫水繞芳塵陌一萬重花春拍拍藍橋仙路不崎嶇醉舞狂歌容倦客
眞香解語人傾國知是紫雲誰敢覓滿谿桃李不能言分付仙家君莫惜

臨江仙

張掄

玉宇暖浮清禁曉丹葩色照晴空珊瑚敲碎玉玲瓏人間無此種來自廣寒宮
雕玉闌干深院靜
嫣然頻笑東風曲屏須占一枝紅且圖欹醉枕香到夢魂中

蝶戀花

王采

燕子來時春未老紅蠟團枝費盡東君巧烟雨弄晴芳意惱雨餘特地殘粧好
斜倚青樓臨遠道
不管傍人密共東君笑都見嬌多情不少丹青傳得傾城貌

蝶戀花

東堂手栽
牡丹見花

毛滂

三疊闌干鋪碧瑩小雨新晴纔過清明後初見花王披袞繡嬌雲瑞日明春晝
彩女朝眞天質秀
寶髻微偏風捲霞衣皺莫道東君情最厚韶光半在東堂手

定風波

賞牡丹席
上走筆

曾觀

上苑穠芳初雨晴香風嫋嫋泛軒楹猶記洛陽開小宴嬌面粉光依約認傾城
流落江南重此會
相對金蕉蘸甲十分傾怕見人間春更好向道如今老此尙多情

江城子

方岳

窗綃深掩護芳塵翠眉嚬越精神幾雨幾晴做得這些春切莫近前輕著語題品錯怕花嗔 碧壺
難貯玉鄰鄰醉香茵晚風頻吹得酒痕如洗一番新只恨謫仙渾懶事辜負却倚欄人

祝英臺近

賦牡丹

張渠

柳綿稀桃錦淡春事在何許一種穠華天香漬冰露嫩苞疊疊湘羅紅嬌紫妒翠葆護西真仙侶
試聽取更饒十日看承霞腴汚塵土池館輕寒次第少風雨好趁油幕清閒重開芳醕莫孤負鶯歌
蝶舞

最高樓

賦牡丹

辛棄疾

西園買誰載萬金歸多病勝遊稀風斜晝燭天香夜涼生翠蓋酒酣時待重尋居士譜謫仙詩 看
黃底御袍元自貴看紅底狀元新得意如斗大笑花癡漢妃翠被嬌無奈吳姬粉陣恨誰知但紛紛
蜂蝶亂笑春遲

洞仙歌

牡丹

管鑑

化工妙手慣與花爲主忍便摧殘任風雨剪姚黃移魏紫齊集梁園春艷艷何必尊前解語 繡屏

深照影簾密收香夜久寒生費調護寶盆翻銀燭爛客醉忘歸共惜此芳菲難遇看明年紫禁繞鶯花漫相望春風五雲深處

華胥引

題畫牡丹梨花

張炎

溫泉浴罷酣酒纔甦洗粧猶濕薄暮雲深瑤臺月下逢太白素衣初染天香對東風傾國惆悵東闌炯然玉樹獨立只恐江空頓忘却錦袍清逸柳迷歸院欲遠花妖未得誰寫一枝澹雅傍沈香亭北說與鶯鶯怕人錯認秋色

八六子

楊纘

怨殘紅夜來無賴雨催春去匆匆但暗水新流芳恨蝶悽慘千林嫩綠迷空那知國色還逢柔弱華清扶倦輕盈洛浦臨風細認得凝粧點脂勻粉露蟬聳翠藥金團玉成叢幾許愁隨笑解一聲歌轉春融眼朦朧憑欄干半醉醒中

滿庭芳

賞牡丹

曾覲

冶態輕盈香風搖蕩畫欄淑景初長彩霞深處明艷奪昭陽試問沈香舊事應勸我莫負韶光多情

是低徊顧影雲幕淡微涼
人間春更好一枝斜插猶記疎狂到如今潘鬢暗點吳霜樂事直須年
少何妨拚一醉千觴醺醺醉盡天向晚春思正悠揚

滿庭芳

雨中賦
牡丹

汪莘

雲遶花屏天橫練帶畫堂三月初三斜風細雨羅幕護輕寒無數天香國色枝枝帶洛浦嵩山燒紅
燭吞星浴日光射九霞冠
仙宮深幾許黃鸝問道紫燕窺簾似太真姊妹半醒微酣須信生來富
貴何曾在草舍茅庵皇州近扁舟載去春色冠江南

燭影搖紅

牡丹

孫惟信

一朵鞋紅寶釵壓髻東風溜年時也是牡丹時相見花邊酒初試夾紗半袖與花枝盈盈鬪秀對花
臨景爲景牽情因花感舊
題葉無憑曲溝流水空回首夢雲不到小山屏真個歡難偶別後知他
安否輕紅街清明還又絮飛春盡天遠書沈日長人瘦

漢宮春

牡丹

吳文英

花姥來時帶天香國艷欲掩名姝日長半嬌半困宿酒微蘇沈香檻北比人間風異烟殊春恨重盤

雲墜響碧花翻唾瓊玉 洛苑舊移仙譜向吳娃深館曾奉歡娛猩唇露紅未洗客鬢霜鋪池沁壁
過西園重載雙壺休謾道花扶人醉醉花却要人扶

夜合花

牡丹

晁補之

百紫千紅占春多少共推絕世花王西都萬家俱好不爲姚黃慢腸斷巫陽對沈香亭北新粧記清
平調詞成進了一夢仙鄉 天葩秀出無雙倚朝暉半如酣酒成狂無言自有檀心一點偷芳念往
事情傷又新艷曾說滁陽縱歸來晚君王殿後別是風光

雨中花慢

密州九月牡丹

蘇軾

今歲花時深院盡日東風蕩漾茶烟但有綠苔芳草柳絮榆錢聞道城西長廊古寺甲第名園有國
艷帶酒天香染袂爲我留連 清明過了殘紅無處對此淚灑尊前秋向晚一枝何事向我依然高
會聊追短景清商不暇餘妍不如留取十分春態付與明年

念奴嬌

秋日牡丹

趙長卿

花王有意念三秋寂寞淒涼天氣木落烟深山霧冷不比尋常風味勒駕閒來柳蒲顚顚無限驚心

事仙容香艷儼然春盛標致 雅態出格天姿風流蘊藉羞殺巖前桂寄語芙蓉臨水際莫騁芳顏
妖麗一朶凭欄千花退避惱得騷人醉等閒風雨更休倏憊容易

念奴嬌

賦白牡丹

辛棄疾

對花何似似吳宮初教翠圍紅陣欲笑還愁羞不語惟有傾城嬌韻翠蓋風流牙籤名字舊賞那堪
省天香染露曉來衣潤誰整 最愛弄玉團酥就中一朶曾入揚州詠華屋金盤人未醒燕子飛來
春盡最憶當年沈香亭北無限春風恨醉中休問夜深花睡香冷

念奴嬌

追和張巨山牡丹詞

毛幵

倚風含露似輕顰微笑盈盈脈脈染素勻紅知費盡多少東君心力國艷酣晴天香融煖畫手誰傳
得綠牕朱戶曉粧誰見凝寂 獨占三月芳菲千花百卉算難爭春色欲寄朝雲無限意回首京塵
猶隔舞破霓裳一枝渾似醉倚香亭北舊歡如夢老懷那更追惜

木蘭花慢

次韻賦牡丹

張渠

漸稠紅飛盡早濃綠徧林梢正池館輕寒楊花飄絮草色縈袍天香夜浮院宇看亭亭雨檻漬春膏

趁取芳時勝賞莫將年少輕拋
鞭鞘驅放馬蹄高世事一秋毫更飛書倥偬運籌閒暇何害推敲
花前效顰著句悄干鏤側畔奏鉛刀何日重攜尊酒浮甌細剪香苞

木蘭花慢

牡丹

陳允平

杜鵑聲漸老過花信幾番風愛翠幄籠晴文疏颺暖欄檻青紅新妝步搖未穩捧心嬌乍入館娃宮
消得金荷萬朶護風簾幕重重
匆匆少小易相逢詩鬢已成翁且持杯秉燭天香院落同賞芳穠
花應怕春去早儘遲遲待取綠陰濃拚却花前醉也夢隨蝴蝶西東

瑞鶴仙

賦一捻紅牡丹

紫姑

乾道中吳興周權知衢州西安縣令術士沈延年邀致紫姑神賦牡丹詞限以險韻頃刻而成
覩嬌紅細捻是西子當日留心千葉西都競栽接好園林臺榭何妨日涉輕羅慢褶費多少陽和調
燮向曉來露浥芳苞一點醉紅潮頰
雙靨姚黃國艷魏紫天香倚風羞怯雲鬟試插引動狂蜂蝶
況東君開宴賞心樂事莫惜獻酬頻疊看相將紅藥翻階尙餘賸妾

水龍吟

牡丹

曹組

曉天穀雨晴時翠羅護日輕烟裏醺醺徑暖柳花風淡千葩濃麗三月春光上林池館西都花市看輕盈隱約何須解語凝情處無窮意金殿筠籠歲貢最姚黃一枝嬌貴東風旣與花王芍藥須爲近侍歌舞筵中滿裝歸帽斜簪雲髻有豪情未已齊燒絳蠟向闌邊醉

水龍吟

牡丹

王沂孫

曉寒慵揭珠簾牡丹院落花開未玉闌干畔柳絲一把和風半倚國色微酣天香乍染扶春不起自眞妃舞罷謫仙賦後繁華夢如流水池館家家芳事記當時買栽無地爭如一朶幽人獨對水邊竹際把酒花前剩拚醉了醒來還醉怕洛中春色匆匆又入杜鵑聲裏

喜遷鶯

牡丹

吳文英

凡塵流水正春在絳闕瑤階十二暖日明霞天香盤錦低映曉光梳洗故苑浣花沈恨化作天紅奇紫困無力倚闌干還倩東風扶起公子留意處羅蓋牙籤一一花名字小扇翻歌密圍留客雲葉翠溫羅綺艷波紫金杯重人倚妝臺微醉夜和露剪殘枝點點花心清淚

楚宮春

牡丹

周密

香迎曉日看烟珮霞綃美女金谷倦倚畫闌無語情深嬌足雲擁瑤房翠幕暖捲東風傾國半捻愁
紅念舊遊凝竚蘭翹瑞鸞低舞庭綠猶想沈香亭北人醉裏芳筆曾題私曲浥浥露痕移取春歸
華屋綠帳銀屏靜掩悄未許鶯窺燕宿酒半闌重遶鴛機醉靨爭妍紅玉

解連環

岳園
牡丹

蔣捷

妒花風惡吹青陰漲却亂紅池閣駐媚景別有仙葩徧瓊瑩小臺翠油疎箔舊日天香記曾遶玉奴
絃索自長安路遠膩紫肥黃但譜東洛天漢霽虹似昨聽鶯聲度月春又寂寞散艷魄飛入江南
轉湖渺山茫夢境難托萬疊花愁正困倚鉤闌斜角待攜尊醉歌醉舞勸花自落

賀新郎

洪守席上
詠牡丹

劉儼

翠蓋籠嬌面記當年沈香亭北醉中曾見見了風流傾國艷紅紫紛紛過眼算好處何嫌春晚誰把
天香和曉露倩東風特地勻芳臉千萬朵一時徧隔花聽取提壺勸道此花過了春歸蝶愁鶯怨
挽住東君須醉倒花底不妨留戀待喚取笙歌一片最愛就中紅一朶似狀元得意春風殿還惹起
少年恨

大酺 賞牡丹

趙以夫

正綠陰濃鶯聲嫩
庭院寒輕烟薄
天然花富貴
逞妖紅
殷紫疊葩重
夢醉艷酣春妍姿
浥露翠羽輕
明如削
檀心鴉黃嫩
似離情
愁緒萬絲交錯
更銀燭相輝
玉瓶微浸
宛然京洛
朝來風雨惡
怕僂僂低張青油幕
便好倩佳人插帽上
客傳牋趁良辰賞心行樂
四美難并也
須拚醉莫辭杯杓被花惱
情無著長笛何處一笑江頭高閣極目水雲漠漠

六州歌頭 牡丹

劉克莊

維摩病起兀坐等枯株
清晨裏誰來問是文殊
遣名姝奪盡羣芳色
浴纔出醒初解
千萬態嬌無力
困相扶
絕代佳人
不入金張室
却訪吾廬對茶鐺
禪榻笑殺此翁癡
瑤砌金壺始消渠
憶承平日
繁華事修成譜
寫成圖
奇絕甚
歐公記
蔡公書
古來無一自京華
隔問姚魏
竟何如
多應是綵雲散
劫灰餘
野鹿銜將花去
休回首
河洛丘墟
漫傷春
弔古夢遶漢唐都
歌罷歎噓

點絳脣 南齋牡丹

金李俊民

花恨開遲爲花遲
後爲花惱
問花開了却恨花開早
人貌年年不似花長好
還知道年年人貌却

笑花先老

江城子 牡丹

段克己

百花飛盡彩雲空。牡丹叢始潛紅。培養經年造化奪天工。脈脈向人嬌不語，晨露重，洗芳容。却疑身在列仙宮。翠帷重，瑞光融。燦燦紅燈間，錯綠蟠龍。醉裏天香吹欲盡，應有恨，夜來風。

江城子 東園牡丹

段成己

水南名品幾時栽。映池臺待誰開。應爲詩人著意巧安排。調養護正須宮樣，錦遮麗日障輕埃。曉風吹綻瑞雲堆。怨春回，要詩催。醉墨淋漓隨手灑。瓊瑰歸去不妨簪，一朶人也道看花來。

滿江紅 牡丹

元詹王

翠袖餘寒早添得。銖衣幾重何須怪。年華都謝更爲誰容銜。盡吳花成鹿苑人間，不恨雨和風便一枝流落到人家。清淚紅山霧濕倚薰籠，垂匳葉。鬢酥融恨宮雲一朶飛過空。同白日長閒，青鳥在楊家。花落白蘋中。問故人忍更負東風，尊酒空。

念奴嬌 秋日牡丹

彭泰翁

九華驚覺又偷承恩露羞勻春色岸蓼汀蘋成色界未必天香人識粉浣脂凝霜銷霧薄嬌顫渾無力黃昏月掩山城那更聞笛應是未了塵緣重來遲暮草草西風客鶯燕無情庭院悄愁滿闌干苔積宮錦尊前霓裳月下夢亦無消息嫣然一笑江南如此風月

水龍吟

傅淵道宅
賞紫牡丹

張翥

紫雲何處飛來仙家別有藏春洞刻繒紋縐縐檀色膩熏臍香重穀雨初晴榆烟新換棟花微動是花姑養就韓仙染出還分與人間種
奸與密遮繡幄護玉環三生妖夢只愁今夜綠叢月老珠房
露凍便喚秋娘重澆卯酒緩歌低送倩紅鸞與約韶光少佳作尊前供

南唐浣溪沙

花下

明陳繼儒

晏起還嗔中酒時玉牌分得牡丹枝花下自調新樂府寫烏絲
付與紫衣傳別院夜來翻入管絃
吹吹得老夫重醉也有情癡

醉花陰

病中憶陳
氏牡丹

文徵明

秀石倚空春照屋粉露團蘋玉想見可憐人不到經春此意還誰屬
自憐不帶看花福病與愁相